

մօտ : Օլթին եւս 105 կիլոմետր երկայնութիւն ունի ակունքից մինչեւ խառնունքը :

Ճորոխն ընդունելով միացեալ վտակները, կրկնապատկում է ջրով եւ հոսում ուղիղ դէպի հիւսիս :

Ինչպէս Կոլա, նոյնպէս Բանջրոտ, Փենեք, Փանազկերտ, Թաուսկեր, Բարդուզ եւ Օլթի ապրում է միեւնոյն խլամացած հին ժողովուրդը, որոց բարքն ու վարքը չի տարբերում Հայ ժողովրդի վարքից ու բարքից. միակ տարբերութիւնը կրօնն է. Հայերը իրենց աւանդական քրիստոնէութեան վրայ հաստատ մնացել են. իսկ խլամացածները բարձի թող են արել կրօնը : Պէտք է ասել, որ մինչեւ 1878 թ. պատերազմը եւ այդ դաւառի զրաւումը, խլամացած ժողովուրդը երեք դարի ընթացքում ո՛չ միայն չէր կարողացել մարսել խլամը, այլ ատում էր այդ կրօնը : Ո՛չ միայն չէր լուացւում, չէր աղօթում, ծոմ չէր պահում, տօներ կատարում, այլ մինչեւ անգամ հայհոյում էր : Ատելու-

---

տուած ապարանքումն էլ գործագրուած էր, մօտ 1000 թ. լազուրն ու ոսկեգօծումը, կասկած չկայ, որ 7—8 դար առաջ աւելի կատարելագործուածն ունէին Ցայեցիները : Նախ նժաց ծանօթութիւնների մէջ յիշեցի, որ պղնձի հանքերից դուրս թափուած նիւթերի մէջ կան այնպիսի բաղադրութիւններ, որոնցից կարելի է հետեւցնել, որ լազուր էին պատրաստել տալիս եւ հարաւում ծախում էին Բագրատունիները : Սրանց հարստութեան ամենամեծ աղբիւրը պիտի այդ վաճառականութիւնը լինի, որ նրանք գաղտնի էին պահում եւ միշտ գրամ-ոսկի ունէին գանձազնով նախարարների կալուածները գնելու :